

IA-mit Inuiaqatigiinnut salloqittaaneq ersarissaq

Partiit suuppat nunatsinni?

Qinersisoqalernermi qineqqusaarnersuaq ingerlanneqaleruttortoq, tusagassiortuniit partii sorleq siuttuussanersoq ilimasaarneqaleralluttuinnarpoq. Misissuinerit ilimasunnerat tusarlugu partiit ilaasa aqutsinerunissamut periarfissaqaleruttorneq angorusulersaraat. Kisianni suna tamaat tikillugu? Qinersinissami aalajangigassat siulliit ukuusussaapput: Qinersiniraanni tunngaviusumik anguniagaq (ideologi) sorliussanersoq aalajangerneqaaqqaassaaq. Tullissaani tunngaviusumik anguniakkamiittumi sassartoq sorliussanersoq; inuup nammineq eqqarsartaatsiminut qaninneq qinerneqartartussaavoq.

Kalaallit nunatsinni partiit suuppat? Inuiaqatigiinnut ajunnginnerusutut isigisaat suua? “Talerpiata” tungaaniit allartikkutta:

Atassut = liberal-it; inuk kisimi nammineersinnaasussaq, nuna/naalakkersuisut suliffeqarfinnut, napparsimaveqarfinnut akuliutissanngivitsut tunngaviusumik anguniagaraat

Demokraterne = Social-liberal-it; pissakilliornerit ikorneqalaarsinnaasasut naalakkersuisuniit/nunamiit tunngaviusumik anguniagaraat

Siumut = Social-demokrat-it; inuit annerusumik ikiorneqassasut naalakkersuisuniit/nunamiit tunngaviusumik anguniagaraat

Inuit Ataqtigiit = Socialist-it; kikkut tamarmik naligiimmik (aningaasatigut allatigullu) pineqassasut, naalakkersuisullu/nunallu suliffeqarfiit akillu aquneqarnerunissaat tunngaviusumik anguniagaraat.

Qineqqusaalernerullu nalaani soorlu tamanna IA-kkunniit takussaajunnaariartuinnartoq?

Qinerneqarneruniassagamik tunngaviusumik anguniakkatik soorlu illikartillattaaleraat?

Inuit Ataqtigiit erseqqissumik socialist-iunertik toqqammavitoqaraat innersuutigalugulu. Soorlu nittartagaanni imannak allassimavoq “*INUIT ATAQTIGIIT KATTUFFIATA anguniagaraa...*

Namminersornerusunit namminersorlutillu inuutissarsiortunit pigineqartut

oqaasissaqaaqataaffiginissaat aqutseqataaffiginissaallu anguniartariaqarparput... oqaasissaqaaqataaneq akisussaaqatigiinnerlu...”, tassa IA isumaqarpoq suliffeqarfiit naalakkersuisuniit/nunamiit oqaasissaqarfineqarlutik aquneqarlutillu ingerlanneqartassasut.

Salloqittaanerit, kukkunerit, paatsiveerussaanerillu

Air Greenland-illi siulersuisuni siulittaasua Julie Pars soraarsitaagaluarnera pillugu, Lars-Emil Johansen-illu taartaagaluarneranut, IA-p tamanna imannak oqaaseqarfigaa “...qanga pisortat ingerlatsiviutaannik politikikkut aqutsinermut uterniarnertut isikkoqarpoq, kissaatigineqartutut kissaatiginartutullu ilisimasalinnik siulersuisunngortitsinani...”. Taamannak oqaaseqarnerat isumaannut akerliulluinnarpoq.

Inuit Ataqtigiilli aamma suleqatiginialerpaat Demokraterne. Sooq/qanoq? Demokraterne oqariartuutigaat nunaqarfiit imminnut isumagisinnaanngitsut (aningaasatigut) inuiaqatigiit akilersussanngikkaat, soorlu AG-mi (21-04-2009) Demokraterne oqaaseqarneratuut imannak allaqqasooq

”*Inuit ikittuinnaat aalisartutut piniartutullu inuussuteqarnissamik toqqaasimasut nunaqarfinni najugallit inuiaqatigiit tamarmik akilersueqataaffigissagaat ilumoorsinnaanngilaq*”.

Tassanili ersarisseqqippoq IA-p akerlerisarigalua. Imminnut inuiaqatigiinnullu salloqittaasinnaagunik, allanik aamma peqquserluuteqarsinnaanerpat? Aap, taamaassinnaapput!

Tusagassiuutit malillugit nunatta siulittaasunngortussatut ilimanarsinnaaneragaq, IA-mi siulittaasoq Kuupik Kleist, Qanoruumi (16-04-2009) apersortinnermini, Air Greenland-ip angingaasaqarnera 2008-mi pillugu, eequmiikajaartumik imannak oqaaseqarpoq: "... *takuneqarsinnaavoq Air Greenland... ukiorpassiarni aningaasarsiornikkut ingerlanerliungaatsiarsimagaluarluni... naatsorsuutai qiviaraanni ukiumut kingullermut sinneqartoorput. Qanga kingullermik sinneqartoornersut eqqamanngilaraluunniit...*"

Inuit Ataqtigii siulittaasuata, tusagassiuutillu malillugit immaqa nunatsinni siulittaasussaata, oqaluuserisami kisitsisita naluualuunniit? qinerneqarnerunissani piinnarlugu asuli iluareqqusaarluni oqaluinnarpa? Air Greenland-immi ukiumoortumik kisitsisitaani (årsberetning) sinneqartoorsimasutut allassimavoq 2007, '06, '05, '04, '03, '02-mi, sulilu ukiuni uternerusoqarsinnaalluni. Allaat 2006-imi sinneqartoorut 2008-miit anneruvoq:

Koncernresultat (DKK mio.) efter skat: 56,7 mio. (2008), 49,3 mio. (2007), og 75,0 mio. (2006).

Kikkut tamanna akuliuffigaat?

Sooruna taamannak oqaluttoq? Ernumaginngilaa oqaaseqarnermi kukkussutini (salloqittaassutsini?) ersareqisoq tusagassiuutiniit malugineqassasoq/soqutigineqassasoq? Naagga!

IA-p oqaatigisai kukkusut, imminut akerlilertut, tusagassiuutitigut akerlilerneqanngiivipput eqqaaneqannguaratilluunniit. Tusagassiuutit saqqaanneerujoorpoq siulittaasussatut, ajunnginnerpaatut siulittuutigineqalereerluni, sinneri tamarmik ajorsartinneqareersut. Kalaallit tusagassiuutaannut oqaaseq atorineqartartoq "mikrofon-imik tigungmininneq" kimittunerpaamik oqaluuserisanni atorineqarpoq. Aniilaanganangajappoq tamanna kommunist-itoqqanut/Sovjetunion-imut eqqaanarajussinnaammat, tusagassiuutit partiip ataatsip kisimi aqukkai, eqqunngitsunillu/salloqittaannerik inuiaqatigiinnut nassiussisararluni "naalagaassusertik" tigungmiinnarniarlugu.

Namminerli IA-p siunertarisarigalui kusagigaluarlugit anguniagarerusukkaluarlugillu tamanna salloqittaanerat akuerisinnaanngilluaasarpara, inuiaqatigiillu kalaaleqatikka tamanna silattorfigisariaqaralarpaat.

Massakkulli immitsinnut apeqqusertariaqalerpugut kingusinaannginnitsinni. Qinigassama tunngaviusumik siunertarisaa uannut tulluuppa?`upperisinnaavara inuk taanna qinigassara? Inuup taassuma tunngaviusumik anguniakkani/anguniagara ingerlassinnaavaa piviusunngortillugulu? Namminersornissarput naapissavarput pujorsuup iluaniilluta sumiissuseqarata? Qinersilluarisi, god valg...!?